



Broj: 27-01-04-24618-107.1/23
Sarajevo, 26.9.2023. godine

SKUPŠTINA KANTONA SARAJEVO
n/r Elvedin Okerić, predsjedavajući

PREDMET: Odgovor na zastupničko pitanje zastupnice u Skupštini Kantona Sarajevo
Jelene Pekić, **dostavlja se**

VEZA: Vaš akt broj: 01-04-24618-107/23 od 7.9.2023. godine

Na Osmoj radnoj sjednici Skupštine Kantona Sarajevo, u skladu sa članovima 211. i 214. Poslovnika Skupštine Kantona Sarajevo, zastupnica Jelena Pekić postavila je Zastupničko pitanje:

„Zašto je Program B.1c: Sufinansiranje troškova tehničke izrade i odbrane doktorske disertacije na Univerzitetu u Sarajevu“ fokusiran samo na Univerzitet u Sarajevu, šta je opredijelilo predlagača odluke prema Vladi Kantona Sarajevo da putem javnog poziva sufinansira isključivo doktorante Univerziteta u Sarajevu, ali ne i na ostale univerzitete koji su institucionalno priznati od Kantona Sarajevo, potpadaju pod nadležnosti Zakona o visokom obrazovanju Kantona Sarajevo i resornog ministarstva, te djeluju i rade na području Kantona Sarajevo?“

ODGOVOR

Vlada Kantona Sarajevo na prijedlog Ministarstva za nauku, visoko obrazovanje i mlade Kantona Sarajevo uz prethodno pribavljeno mišljenje Savjeta za nauku Kantona Sarajevo, na Sedmoj sjednici održanoj 11.05.2023. godine donijela je Odluku o utvrđivanju namjene, kriterija i načina raspodjele sredstava za podršku naučnoistraživačkoj djelatnosti na području Kantona Sarajevo iz Budžeta Kantona Sarajevo za 2023. godinu („Službene novine Kantona Sarajevo“ broj: 23/23) a na osnovu Zakona o naučnoistraživačkoj djelatnosti Kantona Sarajevo („Službene novine Kantona Sarajevo broj: 26/116).

Predmetnom odlukom (za svaku budžetsku godinu Vlada donosi se posebna odluka) utvrđeni su namjena, kriteriji i način raspodjele sredstava za podršku naučnoistraživačkoj/umjetničkoistraživačkoj djelatnosti na području Kantona Sarajevo iz Budžeta Kantona Sarajevo za 2023. godinu.

Odlukom o utvrđivanju namjene, kriterija i načina raspodjele sredstava za podršku naučnoistraživačkoj djelatnosti na području Kantona Sarajevo za 2023. godinu su definisana četiri

programa sa podprogramima. U okviru Programa B1. „Jačanje naučne strukture“ pored programa B1. Sufinansiranje naučnoistraživačkih/ umjetničkoistraživačkih i istraživačkorazvojnih projekta od posebnog interesa za Kanton Sarajevo kao najvažnijeg programa za podršku naučnoistraživačkoj djelatnosti, kao vid poboljšanja naučnoistraživačke djelatnosti, definisana su i dva nova programa od posebnog interesa a koja nisu bili definisana niti sufinansirana prethodne godine:

- 1) Program B.1b: Sufinansiranje naučnoistraživačkih/umjetničkoistraživačkih i istraživačkorazvojnih projekta čiji su nosioci mladi naučnici/istraživači (osiguran iznos od 250.000,00 KM)
- 2) Program B1.c: Sufinansiranje troškova tehničke izrade i odbrane doktorske disertacije na Univerzitetu u Sarajevu.

Za realizaciju Programa B1.c osigurana su sredstva u iznosu od 50.000,00 KM.

Odluka o sufinansiranju troškova tehničke izrade i odbrane doktorske disertacije za aplikante samo sa Univerziteta u Sarajevu je donesena s ciljem i namjerom da Vlada Kantona Sarajevo kao osnivač i Ministarstvo za nauku, visoko obrazovanje i mlade kao resorno ministarstvo podrže razvoj i unapređenje akademskog i naučnog kadra sa Univerziteta u Sarajevu te da na taj način pruže potporu prilikom osnaživanja obrazovnih i istraživačkih potencijala tj. kadrovskih kapaciteta ove visokoškolske ustanove, a u skladu sa članom 5. stav 2. Zakona o visokom obrazovanju kojim je definisano da: „Univerzitet u Sarajevu je visokoškolska ustanova od posebnog značaja i javnog interesa za Kanton Sarajevo i bosanskohercegovačko društvo“

Univerzitet u Sarajevu kao najveći univerzitet kako u Kantonu Sarajevo tako i u Bosni i Hercegovni je generator znanja, vještina, nauke, inovativnosti te ima viziju da obrazovanjem i mogućnostima koje pruža odgovori zahtjevima naučno-tehnološkog razvoja društva u 21. vijeku.

Stav Vlade Kantona Sarajevo i Ministarstva je da se kroz jedan od programa u okviru Javnog poziva da podrška mladim, sadašnjim i budućim, istraživačima i naučnicima sa Univerziteta u Sarajevu da napreduju i da ih podstakne i ohrabri na lični razvoj i napredak i ostanak na Univerzitetu u Sarajevu, a čime direktno doprinose razvoju i jačanju Univerziteta u Sarajevu razvoj istraživačkih kapaciteta, s naglaskom na ljudske potencijale, čiji je Vlada Kantona Sarajevo osnivač.

Namjera Vlade Kantona Sarajevo i Ministarstva nikako nije bila uskraćivanje prava zagarantovanih Zakonom o visokom obrazovanju Kantona Sarajevo privatnim visokoškolskim ustanovama u Kantonu Sarajevo, a što se može potkrijepiti činjenicom da su u okviru svih ostalih programa unutar Javnog poziva za sufinansiranje naučnoistraživačkih/umjetničkoistraživačkih i istraživačkorazvojnih projekata i programa iz Budžeta Kantona Sarajevo za 2023. godinu aplikacije privatnih visokoškolskih ustanova, vrednovane na temelju iste metodologije i ocjenjivane na temelju istih kriterija i kao i aplikacije sa Univerziteta u Sarajevu. Tome u prilog govori i činjenica da je samo u okviru programa B.1a Sufinansiranje naučnoistraživačkih/umjetničkoistraživačkih i istraživačkorazvojnih projekata od posebnih interesa za Kantona Sarajevo sufinansirano 11 projekata sa privatnih visokoškolskih ustanova i da su ukupno dodjeljena finansijska sredstva u iznosu od 284.700,00 KM, dok su aplikanti sa privatnih visokoškolskih ustanova ravnopravno zastupljeni i u ostalim programima, a recipročno broju i kvalitetu njihovih prijava kako ustanova tako i pojedinaca (objava naučnih radova, učešća na konferencijama, izdavanje knjiga/monografija).

Skupština i Vlada Kantona Sarajevo ulažu iznimne napore da se svake godine povećaju izdvajanja za programe nauke iz Budžeta Kantona Sarajevo, a putem Ministarstva za nauku, visoko obrazovanje i mlade Kantona Sarajevo realiziraju Odluku o utvrđivanju namjene, kriterija i načina raspodjele sredstava za podršku naučnoistraživačkoj djelatnosti na području Kantona Sarajevo te definišu



programe koji su potrebni za razvoj naučnoistraživačke djelatnosti u javnom i privatnom sektoru, odnosno da sufinansiranje obuhvati veliki broj različitih programa.

Važno je istaći i da su finansijski zahtjevi koje naučne institucije i pojedinci iskazuju u prijavama na Javni poziv tri puta veći od iznosa koji se osigura u budžetu Ministarstva za ove namjene.

MINISTAR



Dostaviti:

1. *Naslovu*
2. *Služba za skupštinske poslove*
3. *Stručna služba Vlade Kantona Sarajevo*
4. *Zastupnica Jelena Pekić*
5. *a/a*

